

## **BASES REGULADORAS DO CONCURSO DE “I CONCURSO DECORACIÓN DE NADAL VECIÑAL DO CONCELLO DE AMES - 2022”**

### **Exposición de Motivos**

Con galo das festas de Nadal que comenzarán no mes de decembro, dende a Concellaría de medio rural e participación cidadá en colaboración coa concellaría de promoción económica pretendese incentivar a creatividade dos veciños do municipio do Concello de Ames, participando e colaborando na decoración das fachadas, balcóns, fiestras e xardíns, dando un ambiente artístico e tradicional e transmitindo un espírito festivo, que contribuíra a mellorar do ánimo de todos os veciños e supoña un foco de atracción para os visitantes do Concello, no seu ámbito rural e urbano.

### **PRIMEIRA.-Obxectivo principal.**

O obxectivo principal deste concurso é a decoración, con iluminación e motivos de Nadal, das distintas fachadas, balcóns e fiestras e xardíns das vivendas unifamiliares do Concello de Ames.

### **SEGUNDA.-Participantes/beneficiarios.**

Poderán participar no concurso e, por tanto, poderán ser beneficiarios nos termos establecidos nestas bases, os propietarios ou arrendatarios de vivendas unifamiliares maiores de idade que estean ubicadas no termo municipal de Ames, no seu ámbito rural e urbano, e nas que as persoas participantes estean empadroadas.

Os/as participantes deberán cumprir as seguintes condicións:

- Non ter débedas en período executivo de pago co Concello de Ames no momento da concesión, salvo que o pago das devanditas débedas estivesen garantidas, de conformidade co disposto na Lei Reguladora das Facendas Locais.
- Non incorrer nalgunha das circunstancias que se determinan no artigo 13.2 e 13.3 da Lei 38/2003, do 17 de novembro, Xeneral de Subvencións incapacitantes para obter a condición de beneficiario.
- Deben atoparse ao corrente de pago das obrigacións por reintegro de calquera subvención ou premio concedido con anterioridade por este Concello.

Non poderán participar no concurso as persoas que formen parte do xurado, así como calquera outra persoa que teña un parentesco en primeiro ou segundo grao con algún membro do xurado.

### **TERCEIRA.- Condicións de participación**

- Só poderá presentarse ao concurso un único proxecto por vivenda.

- A decoración deberá estar exposta dende o 10 de decembro de 2022 ata o día 6 de xaneiro de 2023.
- As decoracións e adornos teñen que ser típicos de Nadal, así como a composición de elementos, a proposta de ornamentación das fachadas, entradas, ventás, casas, árbores, etc. dos participantes.
- Os elementos decorativos situaranse sobre as fachadas, balcóns, fiestras e xardíns sen causar ningún tipo de perigo nin prexuízo para as persoas e os bens, e sen ocupar as vías de circulación.
- En caso de realizar a decoración aproveitando o voo das vías públicas (colocación grilandas, faroliños, iluminación...), deberase contar coa aprobación dos donos dos inmobles.
- A zona elixida para ser decorada ten que ser totalmente visible dende a vía pública.
- Os participantes en calquera das modalidades serán os encargados e responsables da seguridade, montaxe, coidado, mantemento e recollida o finalizar estas datas.
- Queda totalmente prohibido o emprego de lume, fachos, velas ou calquera outro elemento pirotécnico na iluminación
- No caso de que se producise algún tipo de dano do material que forma parte da decoración e iluminación durante o período de exposición, deberá ser substituído ou retirado, baixo a responsabilidade do particular que montou a decoración.
- Será descalificado calquera concursante que mostre no seu balcón ou xanela calquera tipo de publicidade, slogan ou similar.
- As imaxes da decoración e iluminación dos participantes no presente concurso serán cedidas ao Concello de AMES co único obxecto de ser difundidas polo mesmo con fins de divulgación a través dos medios dixitais municipais.

#### **CUARTA.- Inscripcións , Lugar e prazo.**

Os interesados en participar no concurso de decoración poderán inscribirse gratuitamente ata o día 10 de decembro de 2022 inclusive, utilizando o modelo normalizado de participación (anexo I).

Non se admitirán solicitudes presentadas fóra do prazo indicado no parágrafo anterior.

A solicitude de inscrición poderá obterse nas dependencias municipais do Concello de Ames, ou ben pode ser descargado na páxina web do concello [www.concellodeames.gal](http://www.concellodeames.gal)

Unha vez cumprimentada a solicitude poderá ser presentada a través da sede electrónica do Concello de Ames [sede.concellodeames.gal](http://sede.concellodeames.gal) ou ben de forma presencial nos rexistros

municipais.

Os participantes deberán aportar antes do día 25 de decembro de 2022 (incluído) cando menos 2 fotografías polas que se poida visualizar a decoración realizada. A achega das fotografías realizarase á conta de correo electrónico [promocioneconomica@concellodeames.gal](mailto:promocioneconomica@concellodeames.gal), facendo constar o número de rexistro da solicitude de inscrición do Anexo I, e a identidade do representante.

### **Quinta.- Procedemento de Concesión**

Réxime de Concorrenza competitiva

a.- Órgano competente para a instrución do procedemento.- Será o servizo de Promoción económica.

b.- Órgano competente para resolver o procedemento.- Xunta de Goberno Local do concello de Ames

O procedemento de concesión dos premios resolverase nos 3 meses a contar desde a finalización do termo de presentación de solicitudes e a falta de resolución, dentro deste prazo, terá carácter de desestimación.

Contra a resolución de concesión que se dite, que pon fin á vía administrativa, poderá interperse potestativamente recurso de reposición ante a Alcaldía -Presidencia no prazo dun mes, ou ben directamente recurso contencioso administrativo ante o Xulgado do Contencioso Administrativo de Santiago de Compostela, no prazo de dous meses desde o día seguinte ao de publicación da mesma no Taboleiro de Anuncios do Concello de Ames.

### **Sexta.- Obrigas e responsabilidades**

Deberanse respectar as normas para a montaxe, debendo estar a decoración rematada o día 10 de decembro de 2022.

O solicitante deberá responsabilizarse do cumprimento das normas establecidas en canto á seguridade e medidas específicas sanitarias.

En todo caso, o Concello de Ames queda exonerado das responsabilidades derivadas dos danos materiais, físicos ou de calquera outra natureza que se poidan producir a terceiros con motivo dos traballos de instalación, montaxe e desmonte.

A inscrición no concurso implica a autorización a tomar fotografías e gravacións por medios audiovisuais as cales poden ser difundidas en publicacións locais, rexionais ou nacionais. A participación no concurso supón a aceptación total destas bases.

O incumprimento dalgunha das bases levará implícita a descualificación no Concurso.

### **Sétima.-Dotación orzamentaria.**

A contía global máxima dos premios será de 2.000 euros con cargo á aplicación orzamentaria 4314.47902 do Orzamento do Concello, para o exercicio 2022.

#### **Oitava.- Instrución do procedemento**

O procedemento de instrución e resolución levarase a cabo no Departamento de promoción económica nos termos que se regulan nos artigos 23 a 27 da Lei xeral de subvencións.

#### **Novena.- Criterios de Valoración**

O requisito imprescindible é que os adornos de ambas categorías teñan iluminación, e representen adornos propios das festas de Nadal.

O xurado valorará aos participantes pola súa creatividade, en base aos criterios de composición e deseño, tendo en conta, ademais, a orixinalidade e a elaboración propia. Do mesmo xeito, valorarase a utilización da iluminación como foco de atracción e o uso de materiais de refugallo.

Os escaparates serán valorados por cada un dos membros do xurado cunha puntuación máxima de 10 puntos.

O fallo do xurado será inapelable e decidirá sobre calquera dúbida que se expoña.

Os premios poderán ser declarados desertos no caso de que o xurado considere que os participantes non alcancen un mínimo de calidade ou de que a cantidade de participantes sexa insuficiente para o desenvolvemento do concurso.

#### **Décima- Xurado**

O xurado estará composto por 4 membros:

- Un/unha representante do voluntariado de Ames.
- Un/unha representante voluntario da aula da natureza
- Un/unha representante do voluntariado de protección civil de Ames
- Un representante da Unión de Consumidores de Galicia

Así mesmo, persoal pertencente á Concellaría de Promoción Económica actuará como secretario/a.

#### **Décimo primeira. Premios**

Entregaranse os seguintes **premios económicos** aos titulares inscritos:

- 1º Premio a vivenda unifamiliar: 500
- 2º Premio a vivenda unifamiliar: 500
- 3º Premio a vivenda unifamiliar: 500
- 4º Premio a vivenda unifamiliar: 500

Os premios estarán suxeitos á retención fiscal que corresponda de conformidade coa lexislación vixente.

### **Décimo segunda.- Aceptación das Bases**

O Concello de Ames resérvase o dereito de modificar estas bases, así como os diferentes premios establecidos.

A participación no “DECORACIÓN DE NADAL VECIÑAL DO CONCELLO DE AMES – 2022” implica a aceptación destas bases.

### **Décimo terceira- Publicidade**

Estas bases publicaranse no Boletín Oficial da Provincia da Coruña, mediante o extracto remitido pola Base de Datos Nacional de Subvencións (BDNS) e na páxina web municipal do Concello de Ames. Todas as publicacións posteriores á publicación destas bases faranse na páxina web municipal.

A resolución do procedemento publicarase no taboleiro de anuncios do concello de conformidade co establecido no art. 26 da Lei 38/2003 de 17 de novembro, Xeneral de Subvencións .

### **Décimo cuarta. Aceptación das bases e autorización en canto á protección de datos**

A presentación de candidatura ao premio, implica a aceptación total destas bases.

Os/as participantes na convocatoria, ao presentaren directamente a súa candidatura ou ao aceptaren a presentación por parte de terceiros/as, autorizan expresamente ao Concello de Ames ao uso da imaxe e dos datos achegados para os efectos de publicidade deste premio.

De conformidade co Regulamento xeral de protección de datos 2016/679 do Parlamento Europeo, do 27 de abril de 2016, e da Lei orgánica 3/2018, do 5 de decembro, de protección de datos persoais e garantía dos dereitos dixitais, os datos persoais obtidos serán incorporados a un ficheiro responsabilidade do Concello de Ames cuxa finalidade é a xestión do presente premio. Poderanse exercer os dereitos de acceso, rectificación, limitación do tratamento ou calquera outro establecido na normativa vixente mediante un escrito dirixido ao Concello de Ames.

Para os efectos da salvagarda do dereito dos participantes na presente convocatoria á protección dos seus datos de carácter persoal, de conformidade coa regulación establecida polo Regulamento (UE) 2016/679 do Parlamento Europeo e do Consello sobre protección de datos de carácter persoal e pola Lei orgánica 3/2018, de 5 de decembro, de protección de datos persoais e

garantía dos dereitos dixitais, faise constar que os datos das subvencións concedidas quedarán incorporados ao rexistros públicos de subvencións, nos seguintes termos:

- En cumprimento do disposto no artigo 20.1 da Lei 38/2003, Xeral de Subvenciones e demais normativa de desenvolvemento, os datos da subvención concedida e a identificación dos beneficiarios/as serán remitidas á Intervención Xeral do Estado, para que sexan incorporados á Base de Datos Nacional de Subvencións, ca exclusiva finalidade prevista en dito precepto.
- Así mesmo, en cumprimento do disposto no artigo 16.3 da Lei 9/2007, de 13 de xuño, de Subvencións de Galicia, o Concello remitiralle a mesma información á Consellería de Economía e Facenda, co fin de que a incorpore ao Rexistro público de axudas, subvencións e convenios da Comunidade Autónoma de Galicia.

### **Décimo Quinta.-Pagamento e Reintegro dos Premios**

**Pago:** Os premios serán obxecto de retención fiscal de acordo co estipulado na lexislación vixente. O pago realizarase, no prazo e forma previstos, mediante transferencia bancaria á conta que indicase o premiado unha vez que o xurado resolva a concesión.

**Reintegro:** Os premios serán reintegrados nos supostos previstos no artigo 37 da Lei 38/2003, do 17 de novembro, Xeral de Subvencións.

### **Décimo Sexta.- Confidencialidade**

Toda a documentación achegada polos participantes neste concurso será considerada confidencial polo persoal do concello e polos membros do Xurado que teñan acceso a aquelas durante o proceso de recepción, avaliación e selección de propostas.

### **Décimo sétima.- Órgano de control**

Os beneficiarios/as dos premios concedidos polo Concello quedarán obrigadas a someterse aos procedementos de controis ou auditoría que realicen polos seus propios medios ou a través de empresas colaboradoras a Intervención municipal, o Consello de Contas de Galicia, o Tribunal de Cuentas e calquera outros órganos de control interno ou externo, nacional ou europeo.

### **DISPOSICIÓN FINAL**

Para o non previsto nesta convocatoria serán de aplicación as normas incluídas nas Bases de execución do orzamento xeral do Concello, na Lei 38/2003, xeral de subvencións e no seu Regulamento e na Lei 9/2007 de subvencións de Galicia.

**ANEXO I**

**SOLICITUDE DE PARTICIPACIÓN NO “I CONCURSO DECORACIÓN DE NADAL VECIÑAL DO CONCELLO DE AMES - 2022”**

**SOLICITANTE**

Nome .....

NIF .....

Domicilio .....

Localidade .....

Teléfono.....Móbil.....E mail.....

**REPRESENTANTE**

Nome .....

NIF .....

Domicilio .....

Localidade .....

Teléfono.....Móbil.....E mail.....

TITULAR DA VIVENDA

ARRENDATARIO/A

En relación á convocatoria do “**I CONCURSO DECORACIÓN DE NADAL VECIÑAL DO CONCELLO DE AMES - 2022**”

Solicito a miña participación no “**I CONCURSO DECORACIÓN DE NADAL VECIÑAL DO CONCELLO DE AMES - 2022**” organizado polo Concello de Ames e acepto na súa totalidade as cláusulas establecidas nas bases do devandito certame.

**DOMICILIO DA DECORACIÓN:**

**ELEMENTOS VALORABLES NA REALIZACIÓN (breve descrición)**

**Emprego de materiais reciclados:**

**Así meso DECLARO DE XEITO RESPONSABLE:**

**1º.-** Que non me atopo incurso/a en ningunha causa de incompatibilidade ou prohibición para ser beneficiario de subvencións das Administracións Públicas, comprometéndose a manter esta situación ata a completa resolución do expediente.

**2º.-** Que me atopo ao corrente no cumprimento das súas obrigas tributarias coa Administración do Estado, Comunidade Autónoma de Galicia e Concello de Ames e coa Seguridade Social, comprometéndose a manter esta situación ata a completa resolución do expediente.

**3º.-** Que no caso de ser premiado, (*sinalar o que proceda*)

Que autoriza ao concello de Ames a comprobar a veracidade da declaración de non ter débedas coa Seguridade Social, coa Axencia Estatal de Administración Tributaria.

Que non autoriza ao concello de Ames a comprobar a veracidade da declaración de non ter débedas coa Seguridade Social, coa Axencia Estatal de Administración Tributaria ( no caso de que non autorice deberá presentar certificados acreditativos de non ter débedas coa Seguridade Social, coa Axencia Estatal de Administración Tributaria) .

**4º.-** Que se somete ás actuacións de comprobación e achega da documentación que o Concello de Ames poida acordar.

Ames, ..... de ..... de 2022  
Sinatura do/a solicitante

Ames, setembro de 2022

Ana Belén Paz García

Concelleira delegada

Jorge Couñago Castro

AEDL